

Loretta Ortiz Ahlf

Le Ministra Loretta Ortiz Ahlf, juntúul juriista jach k'ajóola'an yo'olal u meyaj yéetel u li'isa'al le sistema ti' justiiisya'o', u ma'alob meyaj yo'olal akadeemika yéetel u meyaj yo'olal u páajtalil winik yo'olal jump'éeel Poder Judicial jach naats' ti' máako'ob yéetel jach ku meyaj yo'olal le páajtalil sosyalo'.

x-Abogada ti' Escuela Libre ti' Derecho, ajka'ansaj yo'olal Derechos Humanos te' Universidad Iberoamericana yéetel doktoora yo'olal Derechos Humanos yéetel Derecho Comunitario Europeo ti' le Universidad Nacional ti' Educación a Distancia (UNED) ti' España, kúuchil tu náajaltaj yéetel cum laude. Ti' yaan ichil le Sistema Nacional ti' Investigadores, yéetel u mas ka'anal kúuchil: Kúuchil III.

Ti' u meyajje', tu jo'olpóoptaj le Departamento ti' Derecho te' Universidad Iberoamericanao', tu'ux bey ajka'ansaj ya'abkach ja'abo'obe'. Ts'o'ok u ts'ajik xook te' Escuela Libre ti' Derecho, te' Universidad Panamericanao', te' Instituto Matías Romero' yéetel, ti' táanxel kaajile', te' Academia ti' Derecho Internacional te' La Hayao', Países Bajos.

Ts'o'ok u ts'íibtik ya'abkach meyajjo'ob yo'olal páajtalil táanxel kaajil yéetel u páajtalil winik, tu'ux ku táajpajal Guardia Nacional yéetel Derechos Humanos, Derecho Internacional Público, Derechos Humanos yo'olal Indocumentados yéetel Régimen Interno yéetel Internacional yo'olal Tratados. Leti' meyajmil xan le Industri'a elektriika way Méxicoe', yéetel u biilalta'al le enerjiya elektriika bey jump'éeel u páajtalil winik yéetel u Kananil judisyaa' te' páajtalil winiko'obo'.

U meyaj yéetel je'el máaxake', ti' yaan ichil ka'anal kúuchilo'obe': x-áantaj juriidika te' Secretaría ti' Relaciones Exteriores, te' Banco ti' México yéetel Consejo Nacional yo'olal Cultura yéetel Artes; bey xan, meyajnaj bey consejera legal te' Acuerdo ti' Cooperación Ambiental te' TLCANo' yéetel bey consejera te' Comisión Nacional yo'olal Derechos Humanos. Ichil 2012 yéetel 2015e' diputaada federaal, táakpaj xan te' Grupo Redactor te' Constitución tu noj lu'umil México. 2019e', jts'áab bey Consejera te' Judicatura Federalo'.

12 ti' disyeembre 2021ake', aantes te' reforma constitucional te' Poder Judicialo', jts'áab tumeen le senaado bey Ministra te' Suprema Corte ti' Justicia te' Nacióno'. Tu chúumbale' táakpaj te' Ka'a Salao', jach ku yilik ba'alo'ob yo'olal kanan taak'in yéetel ti' meyajil, desde nombyeembre 2023e' táakpaj te' Yáax Salao', lela' ku meyaj yo'olal ba'alo'ob penaales yéetel sibiiles. 2025e', tu jo'olpóoptaj le Salao', leti' u ts'ook Ministra jo'olpóopt le kúuchil te' modeelos yaan pachilako'.

Te' maarko te' Proceso Electoral Extraordinario 2024–2025e', yéeya'ab bey Ministra yo'olal u táakbesa'al te' túumben Suprema Corte ti' Justicia te' Nacióno'. U meyaj te' Alto Tribunalo', jach ts'o'ok u chíikpajal yo'olal ku ma'alob tuukul ti' u páajtalil winik, jach ku ts'áajik u yóol te' u jach ookol máak te' páajtalilo', u kananil máako'ob jach ts'o'ok u yúuchtal u loobilta'alo'ob yéetel jump'éeel jeets'el justiiisya social yéetel le páajtalil winiko'. U tuukul yéetel u meyajje' jach ts'o'ok u yáantaj yo'olal u meetk'ajal

jeets'elilo'ob ti' jump'éeel túumben Poder Judicial, jach ku meyaj yéetel le ba'ax u k'áat winike' yéetel u jach líik'il le sistema jurídico Méxicoo'.